

Nr 505

Ráddehusa ásahus**doarjagis, mii máksojuvvo guđege bohccos boazodoallojagis 2001/2002**

Addojuvvon Helssegis geassemánu 13 beaivve 2001

Ráddehusa mearrádusa mielde, mii lea addojuvvon Eana- ja meahccedoalloministeriija árvalusa vuodul, mearriduvvo eana- ja šaddogárdedoalu váldegottálaš doarjagiid birra skábmamánu 30. beaivve 1994 addojuvvon lága (1059/1994) 3 §:a 1 momēantta vuodul, dakkárin go dat lea lágas 1343/1996:

1 §

Guoskadansuorgi

Eana- ja šaddogárdedoalu váldegottálaš doarjagiid birra addojuvvon lága (1059/1994) 6 §:s oaivvilduvvon davvidoarjjan sáhtta máksit boazoeaiggádiidda, geat áset fásta Suomas, stáhta bušehtas jahká 2001 eana- ja šaddogárdedoalu váldegottálaš doarjagii lágiduvvon ruđain doarjaga guđege bohccos nugo dán ásahusas mearriduvvo.

2 §

Doarjaga oažžuneavttut ja doarjaga sturrodat

Doarjja máksojuvvo davvidoarjaga birra, mii máksojuvvo jagis 2001, addojuvvon ráddehusa ásahusas (1255/2000) oaivvilduvvon guovlluin C 3 ja C 4 borramušgottiide, mat barget boazodoaluin.

Doarjagii vuoigadahtti bohccuid oamastanvuogatuhtta ja lohku vuodduduvvet boazodoallojagis 2000/2001 dahkkojuvvon boazologahallamii. Boazodoallojagi 2000/2001 áigge dahkkojuvvon boazogávppiid sáhtta váldit vuhtii doarjaga juolludettiin. Doarjja ii máksojuvvo dain lohkobohccuin, mat mannet badjel bálgosiidda dahje daid osolaččaide mearriduvvon alimus lobálaš boazologuid.

Doarjaga sturrodat lea eanemustá 120 márkki boazodoallolága (848/1990) 5 §:s oaivvilduvvon guđege lohkobohccos.

Borramušgoddái gehččojuvvojit gullat náittosguimmežat ja dakkár olbmot, geat ealliba fásta náittosdililágan dilis oktasaš dállođoalus náitalkeahtta

ja geat leaba leamaš ovdal náitosis dahje geain lea dahje lea leamaš oktasaš mánná. Borramušgoddái gullet maiddái ovdalis máinnašuvvon guimmežiid seamma dállođoalus ássi oktasaš mánnat ja biebmo-mánnat, geat eai leat deavdán 18 jagi ovdal dan kaleanddarjagi álggu, mas doarjja ohccojuvvo. Borramušgoddin gehččojuvvo maiddái juogekeah-tes jápminbeassi.

Doarjaga oažžuneaktun lea ahte borramušgoddái gulli olbmot dahje eará olbmot, geaid oamastan bohccuid hárrái doarjja ohccojuvvo, eai leat deavdán 65 jagi ovdal dan kaleanddarjagi álgima, mas doarjja ohccojuvvo. Doarjaga oažžuneaktun lea dasa lassin ahte máinnašuvvon olbmot oamastit boazologahallamiid mielde boazodoallojagi loahpas oktiibuot uhcimustá 60 lohkobohcco.

Doarjja ii máksojuvvo dakkár bohccuid hárrái, maid eaiggáda boazo- dahje luondduealáhusdoalu dahje eana- ja vuovdedoalu olggobeale jahkedietnasat mannet badjel 150 000 márkki.

Doarjja ii máksojuvvo maiddái dain lohkobohccuin, maid osolaš livččii bálgosa dohkkehan jahkásaš njuovvanplánaid mielde galgan njuovvat (njuovvanreastaboazu).

Boazodoallojahki álgá geassemánu 1. beaivve ja nohká miessemánu 31. beaivve mañit jage.

3 §

Doarjaga ohcan ja máksin

Dán ásahusas oaivvilduvvon doarjagat ohccojuvvojit mañimustá čakčamánu 30. beaivve 2001 bargofápmo- ja ealáhusguovddáža dálonguovloossodagas, mii maiddái mearrida doarjaga juolludeamis.

4 §

Doarjaga vuolideapmi

Dán ášahusas oaivvilduvvon doarjaga sáhtta vuolidit, jos:

1) ohcci lea almmuhan ohcamis boastto dahje váilevaš dieđuid;

2) doarjaga oažžuma várás juoga dillái dahje doaimbaidjui lea addojuvvon dakkár hápmi, mii ii vástit ieš ášši luonddu dahje ulbmila;

Helssegis geassemánu 13 beaivve 2001

Eana- ja meahccedoalloministar *Kalevi Hemilä*

3) doarjjaohcan lea joavdan eiseváldái menddo maŋŋit.

5 §

Fápmuiboahhtin

Dát ášahus boahhtá fápmui geassemánu 20 beaivve 2001.

Lágaásahanráđđi Esko Laurila